

علوم غزته سي

العدد - ٢٣

تسمیه سنده برزیده فائده اولانی ترجمه ایدرز متلا وجع رأس ایچون استعمال ایتدکلی باش صوینی فرانسزجه او د بون فرم اواسانس اوتتور او ارمانیاق و دیگر اسمله تسمیه ایدرلر بز او ارمانیاق ترجمه سی اوله رق آب آرمانیاق دیرز زیرا بو تسمیه ده بر فائده تاریخیه وار شوکه بوصویک آرمانیاق دن کلدیکی آکلا شیلور و او مناسبتله آرمانیاق کله سنه مراجعت اولنوب ارمانیاق غاسقونیاده اولدیغنی بیلکه باعث اولور کذلک مشهور برتیش صوینه آب بو طوط تسمیه اولندقدن هر کس بو طوط نه دیمک مراق ایدوب قرن سابق ده مشهور تیشچی بو طوط اولدیغنی و آب مزبور انک اختراعی ایدوکنی او کرنور اسمدن تاریخچه بر استفاده ایلش اولور

(۶) بزم واورو یانک علوم وفنون کتابلرنده قوللانیلان تحت واقطاف واختصار صورتلرینی بو کتابی ترتیب ده افاده واستفاده بی تصعیب ایده جکندن قبول ایتدم متلا علم تشریح یرینه «تش» وفن بحر یه بدله «بح» رمز لری و بساطط و کواکب اشارت لری یا عیادم زیرا بو بولده قاموسمز برنجی کتاب در بر دیگر اینکجی قاموس تألیف اولنورسه یا خود بو قاموس بردها با صیلورسه او صورت ثانیه ده رموز و اشارت قوللانیلان کتابک ترتیب وقطعه سندن استفاده اولنه بیلور

﴿ فقهده ارضک کرویتی ﴾

معلوم بر مسئله که آمریقا قطعه سی کشف اولندقدن صکره دنیایی دور میسر اولدیغندن ارضک کرویتی اولدیغنده هیچ بحث قالمادی بن دیرم که آمریقا کشفندن اقدم دخی فقهای کرام شکل ارضه طوقنور مسائلی کرویتنه بناء ایله بیان ایتشردی یعنی فقهاء ارضک کرویتی اولدیغنی قبول ایلشردی متلا ﴿ فتاوی زینیه ﴾ ده دیرکه (سئل) ﴿ شمس باطلدیغنی وقت نره یه کیدر ﴾ (اجاب) : تذهب عن قوم وتطلع

عند آخرین ﴿ بر قوم دن کیدر دیکرله طلوع ایدر ﴾
 دیگر مسئله فقہیہ کلیات دہ نقل ایتدیکی اوزره بری چین دہ دیکری
 اصفهانده بولسان ایکی قرنداش ایکیسی دخی بررمضالك ایلک کونی
 صباحلاین وفات ایتسه لر اصفهان دہ کی چین دہ کی برادرینه وارث در
 اشته ایکیسی بروقت دہ وفات ایدن قرنداشلر پیننده مسئله ارثیه
 شرعا ثابت دکل ایکن چین ایلہ اصفهان پیننده کی اختلاف مطالع ارثی
 اثبات ایلدی بواختلاف مطالع ايسه ارضك کروی اولدیغندن در

﴿ هرودوط جغرافیاسی ﴾

قدمادن الک مکمل تاریخ و جغرافیا یازان ﴿ هرودوط ﴾ در که میلاددن
 ۴۰۸ سال اقدم وفات ایتش هالیقارسوس دن (بودروم) برسیاح ایدی
 طقوز کتاب اوزره تاریخی حالا النوزلسانیله موجوددر واوروپا لسانلرینه
 ترجمه اولتمشدر تحقیق مزه کوره صبحی بک مصرده ایکن بو کتابی عربی یه
 ترجمه ایتدرمش و بو ترجمه مصرلی شریف پاشاده قالمش وفاتنده ترکه سندن
 آرائمش ايسه ده بولنه مامش بزراسم پاشا ایلہ مشترکا ترجمه یه ترجمه ایتمشیدک
 و بن بالکر ترجمه ایجاب ایدن محللرینی شرح ایلدم و جغرافیاسنه خریطه لر یایدم
 هرودوطک جغرافیا یه دائر یلدیکنک خلاصه سی شودر که اسکی النوز
 شعرا سک زعی کی ارضك چرخدن چکلمش کبی تام تکرلک اولدیغنه
 اینلغادی بنون ارضی اوروپا و اسیا و افریقا اسملریله اوچه تقسیم
 ایلدی فقط وجه تسمیه ده متخیر قالدی آسیایی هند شرقی یه دک ییلدی
 جیمون جایینی ییلدی اما بحر حرزه منصب اولور صاندی بحر حرز ایچون
 کورکلی قایق کیدیشیله اونبش کونلک طول وسکز کونلک عرض تقدیر
 ایلدی (تمام شمیدیکی کبی در) ارال کولنی ییلزدی ادهم پاشانک ظنی
 کبی بلکه انک وقتده ارال ایلہ بحر حرز بربرینه متصل اولوب صکره دن
 آیرلش در دینله مز زیرا بحر حرز ایچون تعیین ایتدیکی طول و عرض

اوزینه او یله جسیم ارال حالا بینهما موجود اولان التمش ساعت مسافه
قره ایله فصل اولنق قابل دکلدر آفاق کولنی ییلوردی فقط بحر
سیاه دن یک کوچک دکل تعمیرایتدی بحر سیاه رازاقه دو کیلان انهاری
ییلوردی طونه نهری اورویایی تنصیف ایدرزعم ایتدی اسپانیا
طرفلرینی ییلدی طار تیسوس تسمیه ایتدیکی اسپانیا اوله جقدر
قاستریدا دیدیکی انکله اوله جق اوراده قلائی معدنی اولدیغنی
سویلدی وفی الواقع ایرلاندا ده قلائی معدنی معروف در

آفریقاه دائر معلومات صحیحه ویردی سواحل شمالیه سنه و کرک
ایچروده کی ممالک اکثریسنه اشنا اولدیغندن بشقه آفریقاک جنوبی
دکزایله محاط اولوب طولاشلق قابل اولدیغنی حتی بعض کیلرایله کیدوب
کلان وقوعبولدیکنی نقل ایلدی و امید برونه اشارت ایتدی نه
نیلک منبعنی تهری ایتدی نیله واهرامه و مومیاله دائر معلومات نافعه
افاده ایلدی اولوقت مصر رهبانک اونش یک سنه دنبرو مصرده
مدینت وجودینه استشهاد ایتدکری رهبان قالبرینی کورنجه بحر انسان
یارادیلالی بش یک ییل انجق اولش و دیان یونان حکمائی تجمیل
ایتدی دورروحه قائل اولان حکمای یونانیه یی وذهابی مصریلردن
چالوب کندولری کشف ایتش کبی کوستردیله دیو تعیب ایلدی که
بو حکمسانن مرادی فریکیدی ویشاغورس اوله جقدر دلتا
دیدکری قطعه مثلثه مصریه مقدا دکز اولوب نهرنیل مرورازمنه ایله
طولدرمش اولدیغنه دائر خیلی علامتله کوستردی هرودوطدن اقدم
مصر سیاحی دهقاتیسوس و مصر نیلک هدیه سیدر دیمشیدی هرودوط
شمی امریقاده کی یاغ قبولری کبی آسیاده قبولر اولدیغنی وخلق بوندن
آلوب یاقدقلمینی بیان و محللرینی عیان ایلدی و بویاغی و آردینالک
نامیله ذکر ایتدی

دارای اول وقتده آرسطو غورسک باقر اوزینه محکوک خریطه سنی

وېوخرىطە دەكى بعض مسافات ومواقى شرح ايلدى دېمك كە
مىلادىن ۴۵۰ سال اقدم خرىطە چىزمك وارايمىش